

UNIVERSITI SAINS MALAYSIA

Peperiksaan Semester Kedua
Sidang Akademik 1994/95

April 1995

ZCC 213/2 - Ilmu Optik I

Masa : [2 jam]

Sila pastikan bahawa kertas peperiksaan ini mengandungi **TIGA** muka surat yang bercetak sebelum anda memulakan peperiksaan ini.

Jawab **KESEMUA EMPAT** soalan.

Kesemuanya wajib dijawab dalam Bahasa Malaysia.

1. (a) Gunakan prinsip Fermat untuk menerbitkan hukum Snell.

(30 markah)

- (b) Terbitkan rumusan Gauss untuk suatu permukaan sfera

$$\frac{n}{s} + \frac{n'}{s'} = \frac{n' - n}{R}$$


dengan simbol-simbol membawa maksud biasa dan syarat parapaksi dipenuhi.

(30 markah)

- (c) Jejari suatu sfera kaca yang berindeks biasan $n = 1.56$ ialah 4 cm. Sebuah objek diletakkan 4 cm dari tepi sfera tersebut. Tentukan kedudukan imej akhir danuraikan ciri imej tersebut.

(40 markah)

2. (a) Dua kanta tipis diletakkan secara bersimetri terhadap paksi optik dan diasingkan sejarak 5 cm seperti ditunjukkan dalam Rajah 1.



Rajah 1

...2/-

Kanta pertama K_1 merupakan satu kanta penumpu berjarak fokus 10 cm sementara kanta kedua K_2 merupakan satu kanta pencapah dengan jarak fokus 20 cm.

- (i) Tentukan kedudukan titik-titik utama primer dan sekunder bagi sistem dua kanta ini.
- (ii) Jika suatu objek diletakkan 15 cm dari pada K_1 seperti dalam Rajah 1, tentukan kedudukan imej akhir.

(55 markah)

- (b) Terangkan makna istilah-istilah berikut yang digunakan untuk menerangkan fenomena aberasi kanta. Masukkan dalam penerangan anda kaedah yang digunakan untuk mengurangkan kesan aberasi-aberasi tersebut.

- (i) Aberasi sfera
- (ii) Koma
- (iii) Astigmatisme

(45 markah)

3. (a) (i) Huraikan susunan dan struktur asas interferometer Michelson. Terangkan bagaimana ia boleh disesuaikan untuk melihat jalur-jalur bulatan dan jalur-jalur lurus selari.
- (ii) Terangkan apa yang berlaku untuk kedua-dua jenis jalur apabila anda menggerakkan satu daripada cermin di atas landasannya dalam interferometer tersebut.

(50 markah)

- (b) Suatu interferometer Michelson diselaraskan menggunakan cahaya monokromatik. Apabila satu daripada cerminnya digerakkan sebanyak 2.53×10^{-5} m, didapati bahawa 92 pasangan jalur (cerah dan gelap) telah melintasi medan penglihatan. Tentukan jarak gelombang cahaya alur tuju.

(20 markah)

...3/-

- (c) Dalam eksperimen dua celah Young, satu dari pada celah ditutup dengan sejenis kaca dengan indeks biasan $n = 1.5$ sementara celah kedua pula ditutup dengan kaca berindeks biasan $n = 1.7$. Apabila kepingan-kepingan kaca dimasukkan, pusat maksimum didapati berada pada kedudukan tempat jalur cerah kelima tanpa wujudnya kaca-kaca itu. Jikalau jarak gelombang cahaya yang digunakan ialah 480 nm dan kedua-dua kepingan kaca mempunyai ketebalan yang sama t , tentukan nilai t tersebut.

(30 markah)

4. (a) Dalam pantulan berbilang keamatan paduan bagi alur pantulan I_R dan alur pemancaran I_T diberikan oleh

$$I_R = I_0 \frac{4r^2 \sin^2 (\frac{\delta}{2})}{(1-r^2)^2 + 4r^2 \sin^2 (\frac{\delta}{2})}$$

dan

$$I_T = I_0 \frac{(1-r^2)^2}{(1-r^2)^2 + 4r^2 \sin^2 (\frac{\delta}{2})}$$

(di mana simbol yang digunakan membawa maksud biasa).

- (i) Tentukan syarat-syarat maksimum dan minimum untuk kedua-dua alur tersebut.
- (ii) Tentukan keamatan paduan maksimum dan minimum untuk kedua-dua alur tersebut.
- (iii) Tunjukkan keputusan tersebut dalam suatu lakaran berlabel dan berikan ulasan tentang taburan keamatan paduan apabila r diubah.

(70 markah)

- (b) Diberikan bahawa cermin-cermin suatu interferometer Fabry-Perot mempunyai pekali pantulan amplitud $r = 0.9$. Tentukan jarak keasingan plat yang minimum supaya komponen-komponen garis kembar H_α dapat dibezajelaskan.

$$\lambda \text{ bagi garisan } H_\alpha = 656.2 \text{ nm}$$

$$\Delta\lambda \text{ bagi garisan } H_\alpha = 0.136 \text{ nm}$$

(30 markah)

